



# **OBURHABAALE KURHENGA ENYANYA**

ECHI CHITAABU CHAJIRAGWA  
NA WATSON GOODMAN

CHIRI CHA KUHAABWA BUSHA  
BUZIRA KUGULA

**Echi chitaabu chiderhwa “BURHABAALÉ KURHÉNGA ENYANYA” chajiragwa chisungunu mpu lyo ohasha okuja wachiheeka ngasi ho wanaja wája hooshi. Omu kujira ntyo go mango wankahasha okukaachisoma ngasi mango orhali wajira bichi. Aha wali waheza amango oyungule mwo omurhima gwaawe.**

**Muli echi chitaabu najiire narhoola amandiko ga Biblia omu kuhuguula emyanzi yaage mikulu. Gooshi gáli Mandiko Mimaana ga Mungu enali myanzi yaage kuli rhwe.**

**Okuli Emyanzi ya Mungu rhwayihaabagwa “kurhenga enyanya” enali burhabaale bunene kuli oyo ochiifinjire okushimbuulira enjira y’obushinganyanya. Amango omuntu amaafuluula ebyaaha byaage n’okuyankirira Yezu Kristu, ago mango Mungu yeene anachiiyeereke ye, abul’iyunjuza omurhima gw’omwemeezi obusiime n’omurhuula. Kurhenga amango namanyaga ogwo murhuula omu mwaaka gwa 1937 kuhika ene, ngenderiire omu lushangi haguma na Nnahamwriirhu. Nkuyinginzire yaaga naawe ochiihaanage kuli ye BUNO erhi ankaba weche orhachijira ntyo. — Watson Goodman (1920-2002)**

---

Scripture text reprinted from the Bible in Mashi by permission of United Bible Societies Africa Regional Centre, Nairobi, Kenya.

# MUNGU ARHUSIIMA

1

**Yohana 3:16**

Bulya ntyo kwo Mungu asiimire igulu bweneene, ahaana Omugala w'echuusha mpu lyo ngasi muntu omùyemiire arhafa, chikwoone abe n'obuziine bw'ensiku n'amango.

**Baroma 5:8**

Chikwoone Mungu àyeerekiine obuzigire bwaage kuli rhwe, amango rhwaali rhuchiri banya-byaaha, Kristu arhufiira.

**Yohana 13:1**

Ago mango lwaaligi lusiku embere ly'olusiku lwa Pasaaka. Yezu aali amanyire oku akasanzi kaage k'okusiga eri igulu n'okuja emw'Ishe kamaahika. Kusiima a-

yoorhaga asiima abantu baage baali en'igulu, abasiima kuhika oku buzinda.

**Kufuluulirwa 1:5**

Na kurhenga kuli Yezu Kristu, muntu orhanyweerha, Enfula, omuntu murhanz'ifuulwa anali mwaami mukulu w'abaami b'en'igulu. Arhusiimire, arhuchiza omu byaaha biirhu muli kulya kufa kwaage.

**Yeremiya 31:3**

Miira Nnahamwiirhu ambonekera, aderha erhi: "Neechi nkusiimire n'obusiime bw'ensiku n'amango, cho chirhumire nakukulula erhi bwinja bw'obuzigire bwaani burhuma."

## I Timoteyo 3:16

Buzira karhinda, ihwe ly'idiini liba ihwe likulu: Mungu abonekiine omu mubiri, achiiyeerekana okuba n'okuli omu Muuka gwa Mungu. Abonekiine kuli bamalahika, ayigirizibwe omu milala, ayemiirwe omu igulu, ayankiriirwe omu bukuze.

## Yohana 14:9-10a

Yezu amùshuza erhi: "Ka mango ene galya rhuli rhweeshi wabul'impaba Filipino? Owambwiine erhi anabwiine na Laarha. Bichi birhumirage waderha mpu mmúyeereke Laarha? K'orhayemiiri oku ndi muli Laarha na Laarha àli muli nie?"

## Mateyo 1:22-23

Ebyo byooshi byabiire mpu bihikiirize oku Nnahamwiirhu aderhaga omu kanwa k'omurhonzi waage. Aderha erhi: "Yumvi, omunyere orhasaag'ibona mulume, ába iziimi, áburha omwaanarhabana. Bámùyirika iziino Iya Manweri; kwo kuderha oku Mungu àli haguma na niirhu."

## Yohana 1:1, 14

Erhi Mungu arhachilema igulu, erhi Omwanzi ho gukola guba; Omwanzi gwaali haguma na Mungu, n'Omwanzi gwaali Mungu. . . Omwanzi gwahinduka muntu, oyo muntu abeera muli

rhwe erhi ayunjwiire okugashana n'okuli. Rhwabwiine obuku-

ze bwaage, bukuze omwaana w'echuusha àhaabwa n'ishe.

## YEZU MWENE MUNGU

3

Isaya 9:6

Bulya omwaana amúburhii-rwe, Rhubiirwe omurhabana; Okurhambula kwába oku birhugo byaage: Áyiirikwa erya Chirhangaaza, Muhanuuzi, Mungu w'obuhashe, Laarha w'ensiku n'amango, Muluzi w'omurhuula.

mwaana wáburhwa áderhwa mwimaana, Mwene Mungu.”

I Yohana 4:15

Ngasi muntu wankaderha oku Yezu àba Mweene Mungu, Mungu anabeera muli ye, naye anabeera muli Mungu.

Luka 1:35

Malahika amùshuza erhi: “Muka gwa Mungu ákuyiishira n'obuhashe bwa Mungu w'enyanya bweneene bwakubwiikira nka chihoho. Cho chirhumire oyo

Mateyo 17:5

Amango abaaga achiri aderha, olwikungu luli lwalomeka lwababwiikira, n'izu lyayumvikana o-mu lwikungu, lyaderha mpu: “O-yu ye Mugala waani muzigirwa ye onsiimiisa, mumùyumve.”

## 4 YEZU ARHUBWIIZIRE YE NNDI

**Yohana 11:25**

Yezu ababwiira erhi: “Nie bu-fuuke nie na ndi buziine: omuntu onyemiire, chiru ankafa, ába mugumagama.”

**Yohana 13:13**

Muli mwaderha oku nie Mwalimu nie na ndi Mukulu: muna-desire bwinja bulya kwo nandi ntyo.

**Yohana 6:35**

Yezu ababwiira erhi: “Nie mugati gw’obuziine, omuntu wányi-isha yo arhakachishalika chiru n’ehitya, naye oyo onyemiire arhakachigwaarhwa n’enyoorha chiru n’ehitya.”

**Yohana 8:23**

Ababwiira erhi: “Idako murhe-nga, naani ntenzire enyanya; mu-li ba muli eri igulu, niehe ntali wa muli eri igulu.”

**Yohana 8:58**

Yezu ababwiira erhi: “Kwo bi-nali mmúbwiizire nti embere A-brahamu arhachiburhwa erhi ho mba.”

**Yohana 9:5**

Amango ndi en’igulu, ndi bu-langale bw’igulu.

**Yohana 10:7**

Yezu ashub’ibabwiira erhi: “Kwo binali, mmúbwiizire nti nie muhango gw’echoogo ch’ebibuzi.”

## BIRHANGAAZA BIGUMA YEZU AJIRAGA 5

### Mateyo 14:19-21

Arhegeka abantu mpu batamale oku byaasi, arhoola erya migati irhaanu na ziry a nsamaki ibiri, agalamira, agisha. Enyuma ly'aho abega emigati abul'iyiha abigirizibwa, nabo bayigabira abantu. Booshi baalya banayigurha, abul'iheeka ntanda ikumi n'ibiri z'ebihimbi byasigalaga. Abantu balyaaga baali nka balume bihumbi birhaanu, buzira okuganja abakazi n'abaana.

### Luka 5:4-6

Erhi ayuus'iyigiriza, abwiira Simo erhi: "Heeka obwaarho ahantu amiishi gajjire ekuzimu

bweneene (emuhengere), mubul'ikweeba orhweeshe rhwiinyu omu nyanja, murhondeere okuduba. Simo amushuuz a erhi: "Mwali mu, obudufu bwooshi rhwalaa zire rhwakola chiru rhurhaarho zire akantu. Chikwoone bulya wamaambwiira mpu nkujire, nkola ga nakweeba orhweeshe omu miishi." N'erhi bajira ntyo, bagwaarha nsamaki nyinji chiru orhweeshe rhwaabo rhwalinz'itwiika.

### Mateyo 20:30, 34

Ago mango mihurha ibiri yali etamiire oku burhambi bw'enyanja yayumva Yezu oku àli agera. Eyo mihurha yayakuuz a mpu: "Maashi, Nnahamwiirhu; mwee-

ne Daudi, orhubeere obwonjo!"  
Yezu agwaarhwa n'obwonjo, a-

yihuma oku masu, bwo n'obwo  
yahurhuuka yanamùshimbuulira.

## 6 YEZU KRISTU YE LULEMA YE NA NNAHAMWIIRHU

**Bijiro 2:36**

Olubaga lw'Abisraeli Iwooshi  
lukwaniine lumanye oku oyo Yezu  
mwabambaga oku musalaba,  
ye Mungu ajijire Nnahamwiirhu  
na Masiya!

**Bakolosayi 1:16**

Bulya ye Mungu alemaga mwo  
byooshi. Ngasi byo biba enyanya  
emwaage na ngasi byo biba omu  
igulu, ngasi biboneka na ngasi bi-  
rhaboneka, amahashe g'abazimu,  
ngasi burhambo, ngasi bukulu na

ngasi buhashe. Ye Mungu alema-  
ga mwo byooshi, ye anabilemera-  
ga.

**I Bakorinto 1:9**

Mungu arhahiga bibeeshu, olya  
Mungu wamúhamagaliraga oku-  
lama omu kuhumana haguma  
n'Omugala Yezu Kristu Nnaha-  
mwiirhu.

**Yohana 1:3**

Muli ye mwo ajijire ebintu  
byooshi; ebihaba byooshi ntaacho  
chajijirwe buzira ye.



# YEZU KRISTU YE WÁTWIIRA ABANTU 7 BOOSHI OLUBANJA

## Mateyo 25:32

Embaga zooshi z'en'igulu záshimaanana emalanga gaage, áberuula abantu omu baabo nka kula omungere àkuula ebibuzi omu mpene.

## Bijiro 10:42

Arhurhegesire mpu rhuyigirize olubaga n'okuderha n'obwalagale oku ye Mungu ahiire obuhashe bw'okutwiira àbaziine n'abafiire emmanja.

## Baroma 2:16

Byo byabonekane ebyo oku lusiku Mungu ákoleesa Yezu Kristu okutwa olubanja lwa ngasi bifuli-

ke omu buziine bw'abantu. Emyanzi y'Omurhuula ndi nayigiriza yo edesire ebyo.

## II Timoteyo 4:1

Nkurhegesire bweneene emalanga ga Mungu n'emalanga ga Yezu Kristu, ye watwiire abaziine n'abafiire olubanja, nkuhuunyire okwo oku iziino ly'okuyiisha kwa Kristu n'oku ly'Obwaami bwaage.

## Baroma 14:10

Chikwoone w'oyo, bichi birhuma otwa olwa mwene wiinyu mukristu? Rhweeshi rhweeshi rhwáyimanga emalanga ga Mungu, rhuheekwe lubanja.

## OKUCHUNGULWA KURHENGWA MULI KRISTU YEENE

### Yohana 10:9

Nie muhango. Owangerera mwo, áchira. Anadaaha anahuluke, abul'ibona ebi álya.

### Yohana 14:6

Yezu amùshuza erhi: "Niene nie njira, niene nie okuli, niene nie buziine. Nta kundi omuntu ankaja mwo emwa Laarha, nka-ba angerere kwo.

### Yohana 8:24

Cho charhumaga namúbwiira nti mwáfaana ebyaaha ebyaaha biinyu. Bulya mwáfaana ebyaaha biinyu akaba murhayemiiri oku "nie ndi olya oba ho".

### Bijiro 4:12

Yeene ye 'chiza abantu, bulya nta lindi iziino Mungu abiire abantu en'igulu yooshi lyankarhuchiza.

### Bebraniya 5:9

Erhi aba amaakubuulwa, aba nshooko y'obuchize oku bantu bamùyumva booshi.

### Bebraniya 7:25

Cho chirhumire buho n'ensiku n'amango anasha okuchiza ngasi bayegerera Mungu omu kumùgerera mwo, bulya áziine ensiku n'amango mpu lyo akaabashegera Mungu.

# OKUCHUNGULWA KURHENGWA MULI KRISTU YEENE

9

**Bakolosayi 1:12-14**

Muvuge Mungu Laarha omunkwa erhi munasiimire. Oyo ye warhumaga mwaba n'omwanya oku birugu àbiikiire omu bwaami bw'obulangale. N'ebyo àbibikiire àbali baage. Bulya arhushugwiire omu buhashe bw'omwizimya abul'irhugeza omu bwaami bw'O-mugala muzigirwa, obwo bugashaane bwo rhwayookwiirwe mwo n'ebyaaha biirhu byabababirwa.

**Luka 19:10**

Bulya nie Mwene-Muntu nayishiire okulonza n'okuchiza owahezire.

**I Bakorinto 1:30**

Chikwoone amúhumanyize ku-li Yezu Kristu, abul'iba Yezu ye ajira mwo obwiirhu bukengukwe: Kristu ye warhumire rhwajirwa bashinganya emalanga ga Mungu, rhwaleerhwa okulamira Mungu, rhwarhenga omu buja.

**Kufuluulirwa 5:9**

Okwaniine okurhoola echi chitaabu n'okukuula obuhashe bw'aga makashe. Bulya wayiisirwe, n'omuko gwaawe gwo waguzire mwo abantu, wabaha Mungu, ba ngasi buuko, ba ngasi luderho, ba ngasi lubaga na ngasi mulala.

10 **OKUHUMANYIBWA KULI MUNGU OMU  
NJIRA Y'OMUKO GWA KRISTU**

**Befeso 1:7**

Bulya omu kukoleesa olufu lwa Kristu, rhukola rhuyokwiirwe, n'ebyaaha biirhu bikola bibabalii-rwe. Ntyo kwo Mungu arhuga-shaanire bweneene.

**I Petro 1:18-19**

Bulya mumanyire oku ngulo nchi mwachizibagwa mwo kurhe-nga muli bulya bulamu bwa bu-shabusha bashakuluuza biinyu bamúsigiraga. Birhajiriikanaga ntyo oku njira y'ebintu by'okuhe-za obunguke bwaabyo nka nfara-nga erhi nnooro. Mwachiziibwe omu njira y'enterekeero y'engulo ndaarhi ya Kristu. Oyo kwo aali

ayoosire nka mwaanabuzi muzira ishembo erhi izinga.

**Mateyo 26:28**

Bulya ogu guli muko gwaani, muko gufundisire okulagaanana kwa Mungu. Gubulajisire erhi ban-tu banji barhuma, omu kubaba-lirwa ebyaaha byaabo.

**I Yohana 1:7**

Chikwoone erhi rhwankalama omu bulangale, nk'oku Mungu naye yeene àba omu bulangale, erhi rhukolaga rhuhumanyire rhweene na nnene haguma naye n'omuko gw'Omugala Yezu gu-rhushukwiire ebyaaha byooshi.

# OBUCHIZE OMU NJIRA Y'OKUCHIIBAGIRA KRISTU

11

**Yohana 6:28-29**

Ago mango bamùdoosa mpu: “Gurhigi rhugwaasirwe okujira lyo rhuhiiriza emikolo Mungu àlonzize?” Yezu abashuza erhi: “Omukolo Mungu àli amúlinda kwo kuli kuyemeera olya arhumaga.”

**Befeso 2:8-9**

Bulya oku bugashaane bwa Mungu kwo mwachiziibwe, omu njira y'obwemeere. Obwo buchize burharhenziri kuli mwe, buli nshoboolo Mungu àshoboozize. Burhayiishaga mpu kwenge mwaligi muchiihangaanyire, cho cha-

nkarhuma ntaaye wankachiikungana.

**Baroma 5:1**

Ntyo kwo mwajijirwe mwo bashinganyanya emalanga ga Mungu erhi bwemeere burhuma, na buno ntaabyo rhuchiifaanwa rhweeshi naye erhi Nnahamwiirhu Yezu Kristu orhuma.

**Yohana 20:31**

Chikwoone ebiri mwo byaya-ndikagwa mpu lyo muyemeera oku Yezu àli Masiya, Mwene Mungu, n'omu kuyemeera kwiinyu mube n'obuziine muli ye.

**Nnanga 103:11**

Bulya nka kula oku nkuba kuba enyanya bweneene kulusha e-chihugo. Ntyo kwo n'olukogo lwaage luyoorha oku bo bàmù-yooboha.

**Nnanga 103:17**

Chikwoone obwinja bwa Nnahamwiirhu buba ho ensiku n'ensiku kuhika ensiku n'amango kuli abo bàmùyoohoha, N'obushinganyanya bwaage oku baana b'abana.

**Miika 7:18**

Nndi oli Mungu akaawe, olya obabalira amabi, olya onayibagira ebyaaha by'omusigala gw'omwiimo gwaage? Arhabiika obu-

rhe bwaage ensiku zooshi, bulya àsiimiisibwa n'olukogo.

**Tito 3:5**

Arharhuchizagya mpu kwenge rhwajijire emikolo eshinganiine, chikwoone bulya yeene arhubee-riire obwonjo. Arhuchiza n'okurhushuka kurhenga muli Muuka gwa Mungu oruha okuburhwa buhyaahya n'obuziine buhyaahya.

**Kulaka 3:22-23**

Lukogo lwa Nnahamwiirhu lurhumire rhurhahererekera, bulya obwonjo bwaage burhahwa. Buba buhyaahya ngasi seezi. Obwiku-bagirwa bwaawe buba buneene waani!

**MUNGU ARHUHAMAGIIRE MPU RHUJE  
EMWAAGE**

**13**

**Isaya 55:1**

Mweeshi mwe mugweerhwe  
n'enyoorha, yiishi aha miishi, chi-  
ru n'orhagweerhi nfaranga! Yi-  
ishi, mugule munalye, yiishi mu-  
gule idivayi n'amarha erhi murha-  
nahaanyiri nfaranga, erhi murha-  
nahaanyiri bichi!

**Isaya 1:18**

Nnahamwiirhu àdesire erhi:  
“Ewe, yiishi rhuje omu ihano.  
Chiru ebyaaha biinyu byankaba  
bidukula bweneene, byáhinduka  
byeeru bishushe enyange; akaba  
biri bidukula nka ndobolobo ya

mugooowa, byáhinduka bishushe  
amarha.”

**Kufuluulirwa 22:17**

Muuka gwa Mungu bo n'omu-  
hya bàdesire mpu: “Yiisha!” Oyu-  
mviirhe ebyo maashi naye aderhe  
erhi: “Yiisha!” Maashi, oyu enyo-  
orha egweerhe, ayiishe. Owalo-  
nza amiishi g'obuziine àgahiirwe  
buzira kugula.

**Mateyo 11:28**

Muyiishe emwaani mweeshi,  
mwe muyaabiirwe n'emizigo mizi-  
rho, námúrhamuula.

# 14 ARHALI ABANTU BOOSHI BÀLI BAANA BA MUNGU

**Yohana 1:12**

Chikwoone bantu bamùyanki-riire banamùyemeera; abaha obuhashe bw'okuba baana ba Mungu.

**I Yohana 3:10**

Yumvagi ebiyeerekana n'obwagale bahi bàli baana ba Mungu na bahi bàli ba Lyangombe: ngasi orhajira ebishinganiine niisi erhi abe arhasiima mwene waabo mukristu, oyo ye rhali mwaana wa Mungu.

**Baroma 8:14-15**

Ngasi baheekwa na Muuka gwa Mungu booshi, bàba bene

Mungu. Bulya Muuka mwahirwe arhali Muuka wa kumújira baja n'okushub'imúyoobohya bweneene; chikwoone mwahirwe Muuka w'okumújira bene Mungu. Ye 'narhuma mwayakuza Mungu mpu: "Laarha!"

**Bafilipi 2:15**

Lyo muba beeru kweeru na bantu bashukule, baana ba Mungu balya barhagweerhi ishembo o-mu karhi k'endyaalya z'abantu bànali babi ba muli er'igulu. Muli bo, mukwaniine okulangashana nka nyenyezi (ntonde) z'oku nkuba.



# OKU MUNGU ADESIRE OKU GW'ECHINYOOWA CH'OKULALUSA

15

**Bagalatiya 5:19, 21**

Rhuyiishi bwinja gurhi ebijiro by'omubiri bichiiyeerekana mwo: bichiiyeerekana omu kugona, omu izinga n'omu kujira amabi. . . obumvu, endalwe, obudambye n'ebindi bijiro bya beene ebyo. Mmúrhonzire nk'oku nanali namaajira, oku abantu bàjira ntyo barhaabone Obwaami bwa Mungu.

**Baroma 13:13-14**

Rhube n'ebijiro bikwaniine nk'oku binakwaniine okujira kalengerere. Rhuhaze obudambye

n'endalwe, obugonyi n'irala libi, n'emirongwe n'obwagalwa. Chikwoone muyambale obulamu buhyaahya, bulya buli muli Nnaha-mwiirbu Yezu Kristu, murhana-chilekaga emibiri yiinyu yamúshumika mpu musiimiise amiiru gaayo.

**Migani 23:31-32**

Orhasinzagya amamvu oku gàli madukula, oku gàli galangashana bwinjinja omu chikombe, oku gàli gahunguka buzira kadali. Chazinda kwo galuma nka njoka, gabul'ibanda nka ngobe (kahirigongo).

## OKUBA N'OMURHIMA GW'OKULI KWOONE KURHANKAHASHA

Marko 10:17-22

Erhi Yezu aja omu njira, muntu muguma ayiisha alibisire, amufukamira, amudoosa erhi: “Mwalimu mwinja, gurhi ngwaasirwe njire Iyo mba n’obuziine bw’ensiku n’amango?” Yezu amubwiira erhi: “Bichi birhumire waderha mpu nie mwinja? Nta muntu mwinja kulusha Mungu yee-ne. Oyiishi amarhegeko: orhayirhaga omuntu; orhagonaga; orhazimbaga; orhanyweerheraga omuntu; orhalenganyagya; kenga sho na nyoko.” Oyo muntu amushuza erhi: “Mwalimu, kurhenga amango nayushuukaga nanakaajira

nk’oku ago marhegeko gadesire.” Yezu amulola anamusiima, amubwiira erhi: “Obuzire kantu kaguma: genda oguze ebi ogweerhe byooshi, n’enfaranga ozihe abakenyi, ago mango waba mugale enyanya emwa Mungu; enyuma ly’aho, oyiishe onshimbuulire.” Chikwoone erhi oyo muntu ayumva eyo myanzi, abanga enzizi, agenda akola azinzibaliirwe, bulya aali mugale bweneene.

Migani 16:25

Hali enjira ebonekera omu masu g’omuntu nk’eri nyinja, N’obwo buzinda bwaayo eri njira ya lufu.

**Befeso 5:6**

Maashi irhondo omuntu arhakurhebaga n'emyanzi yaage y'obuhwinja. Ago mabi go garhuma obuhane bw'obukunizi bwa Mungu bwakabya abalahira okumyumva.

**Yakobo 1:22**

Murhachiirhebaga omu kuchii-siimiisa okuyumva omwanzi gwa Mungu; chi oku mwajira; mukajira ebi gudesire.

**I Bakorinto 6:9-10**

Mumayire bwinja bwinja oku abantu b'emirhima mibi barhaahaabwe Obwaami bwa Mungu.

Mumanye murhachiirhebaga: abagashaaniza ensanamu, erhi abagona, erhi abalume balalana n'abakazi balalana, erhi ebishambo, erhi abaagalwa, erhi abalalwe, erhi abajaachirana, n'erhi ebishumuusi, abo barhaahaabwe Obwaami bwa Mungu.

**I Yohana 3:7-8a**

Baana baani, irhondo murhalekaga omuntu amurheba! Ojira ebishinganiine erhi yeene anaba mushinganyanya nk'oku Yezu Kristu aba mushinganyanya. Okajira ebyaaha erhi oyo aba wa Lyangombe, bulya Lyangombe ajijire ebyaaha kurhenga oku murhondeero.

**Baroma 8:6**

Okuchiishweekera oku ebi omubiri guhuunyire, lufu kuleerha; chikwoone okuchiishweekera kuli ebi Muuka àhuunyire, kuleerha obuziine n'omurhuula.

**Yakobo 1:15**

Enyuma ly'aho, olwifinjo lubi lunayaalale iziimi, chazinda luburhe echaaha, n'erhi echaaha chiba chamaachiibuha oluvu (kuyushuka), chiburhe olufu.

**Baroma 5:12**

Muntu muguma yeene ebyaaha byahashire mwo okuja omu igulu, ye Adamu, n'ebyo byaaha byalee-

rha olufu. Ntyo kw'olufu lwahisire mwo oku bantu booshi, bulya booshi bajijire ebyaaha.

**Migani 11:19**

Owágendeerera okubeera omu bushinganyanya, ábona obuziine: Chikwoone owáshimba amabi, oyo ágashimbiira kuchiihikiza olufu lwaage yeene.

**Ezekieli 18:20**

Omuntu ojira ebyaaha kufa áfa, omwaana arhaaheesibwe amabi g'ishe, chiru n'ishe w'omwaana arhaaheesibwe amabi g'omugala. Obushinganyanya bw'omuntu bwámùbeera kwo, n'amabi g'omuntu mubi gámùbeera kwo.

**Yohana 10:17-18**

Laarha ansiimire, bulya mpanyire obuziine bwaani nti lyo nshub'ibushubirana. Ntaaye onyaga obuziine, chikwoone niene mbuhaane oku bulonze bwaani. Ngweerhe obuhashe bw'okubuhana n'obw'okushub'ibushubirana. Ebyo byo Laarha antegekaga mpu njire.

**Yohana 11:43-44**

Erhi aba amaaderha ebyo binwa, ayakuuza n'izu linene erhi: "Lazaro, huluka omwo!" Nyakufa ahuluka; amagulu n'amaboko byaali bishweesirwe n'ebitambara. Baali bamuzonzize omushangi e-

busu. Yezu abawiira erhi: "Shwekuuli ye, mumuleke agende."

**Kufuluulirwa 1:18**

Nie w'obuziine. Nali nfiire, chikwoone buno nkolaga nziine ensiku n'amango. Ngweerhe obuhashe bw'olufu n'igulu ly'abantu bafiire.

**Luka 7:14-15a**

Enyuma ly'aho, ayegeera, ahuma oku isanduku omurhumba gwaali mwo; abaali balibarhwiire, bayimanga. Yezu aderha erhi: "We mwaana w'obusole, nkurhegesire nti ozuuke!" Olya nyakufa atamala, arhondeera aderha.

**Nkengeezo z'Amarhegeko 5:7-21**

Orhabaaga n'abandi bamungu nkaba niene.

Orhajiraga ensanamu z'okubinjwa, oku lwiganyo lw'akantu kooshi kooshi nka k'oku nkuba niisi erhi k'idako omu igulu, erhi omu miishi idako ly'echihugo; orhabiyunamiraga niisi erhi kubikolera. . .

Iziino lya Nnahamwiirhu Mungu waawe orhaliderheraga busha, bulya Nnahamwiirhu arhakaraderha mpu omuntu oderhera iziino lyaage busha arhali kwo bubi.

Osiinze oluzira, olucheese nk'oku Nnahamwiirhu Mungu waawe

anakurhegekaga. Wákaakola nsi-ku ndarhu n'okujira mwo omukolo gwaawe gwoosbi. Chikwoone olusiku lwa kali nda luli lusiku lwa kurhamuuka kwa Nnahamwiirhu Mungu waawe. . .

Okenge sho na nyoko nk'oku Nnahamwiirhu Mungu waawe anakurhegekaga, lyo ensiku zaawe ziluga lyo onaba muny'iragi (muntu wa busiime). . .

Orhaniganaga.

Orhagonaga.

Orhazimbaga.

Orhanyweerheraga omulungu waawe.

Orhachiifinjaga muka mulungu waawe; orhachiifinjaga enyumpa

y'omulungu waawe, erhi ishwa lyaage erhi mwambali, erhi mujanyere waage, erhi mpanzi yaa-

ge, erhi punda waage, niishi erhi akantu kooshi kooshi k'omulungu waawe.

## ORHANKAHASHA OKUCHIIFULIKA MUNGU 21

Luka 8:17

Ngasi hifulisirwe hyáfuluulwa, na ngasi ihwe lyámanyũkana n'obwalagale.

Yeremiya 23:24

Nnahamwiirhu aderha erhi: "Ka hàli owankachiifulika omu mbisho ntanamũbone?" "Niono, ka ntayunjwiiri enyanya n'omu igulu?" aderha ntyo Nnahamwiirhu.

Migani 15:3

Amasu ga Nnahamwiirhu gàli ngasi hantu, gàligi gàlola abantu b'emirhima mibi n'ab'eminja.

Ayubi 34:21-22

Bulya Mungu kubona àbona ebijiro bya booshi, ànakaasingiriza oku omuntu agenda. Nta mwizimya, niisi erhi chihooho cha lufu, Halya bannakola-maligo bankachiifulika.

Nnanga 139:8, 12

Erhi nankayinamukira enyanya, yo oba: erhi nankahira enchingo yaani omu kuzimu, chi yo oba. Chiru n'omwizimya kurhakupanga kubona, Obudufu kwo bulaza ak'omuushi, n'omwizimya nka bulangashane.

## 22      **ÁBARHAYEMIRI BÁYAZIBWA, N'OKWO KWÁBA KW'ENSIKU N'AMANGO**

**Nnanga 9:17**

Abantu b'emirhima mibi bashubira omu kuzimu, na ngasi mbaga ziyibagiire Mungu.

**II Petro 3:7**

Chikwoone amalunga ga buno n'igulu lya buno, nabyo bibikiirwe okushereezibwa n'omuliro. Gulya mwanzi gwa Mungu gwo na nneene gwo gubibisire. Bibikiirwe olusiku abantu b'emirhima mibi batwiirwa emmanja n'okushereezibwa.

**Mateyo 13:41-42**

Nie Mwene-Muntu nárhuma bamalahika baani, bákuula omu

Bwaami bwaani ngasi bàhirimya abandi omu byaaha na ngasi bàjira amabi; bábul'ibakweeba omu chibeeye ch'omuliro, mwo bákaalakira n'okulumira mwo amino.

**Mateyo 18:8**

Erhi ankaba kuboko kwaawe kurhumire wáhirima omu byaaha, niisi erhi kugulu kwaawe, obitwe obikweebe kuli na naawe; kuli kwinja oje omu buziine bw'okuli na kuboko kuguma kulusha okuba n'amaboko abiri obul'ikweebwa omu muliro gw'ensiku n'amango.



**Baroma 14:12**

Cho chirhumire ngasi muguma muli rhwe àba agwaasirwe oku-rhondoola ebyaage yeene emalanga ga Mungu.

**II Bakorinto 5:10**

Bulya rhugwaasirwe okuja aha ngombe emalanga ga Kristu, arhutwiire olubanja lyo ngasi muntu akamarha omu kushimbuulira aminja erhi amabi ajijire amango aali muli ogu mubiri.

**I Yohana 4:17**

Yumvagi ebiyeerekana oku obuziine buli bwimaana muli rhwe: kuli kuba n'oburhwaali bweneene omu lusiku lw'Okutwa olubanja.

**Bijiro 17:31**

Bulya ahizire ho olusiku átwiira mw'abantu booshi olubanja omu bushinganyanya oku muntu ayeerekanaga. Amùhaana cheerekano oku bantu booshi erhi amùfuula.

**Bebraniya 9:27**

Ngasi muntu ajiriirwe okufa liguma, n'enyuma ly'okwo Mungu àmùtwiira olubanja.

**II Petro 2:9**

Cho chirhumire Nnahamwii-rhu àmanyire gurhi àchiza abantu bamwiishweekiire kwo oku marhangulo, na gurhi àbikiire ab'emirhima mibi okubahana omu lusiku lw'Okutwa olubanja.

## OBUGASHAANE YEZU KRISTU ÀRHUGASHAANIRA

### Tito 3:7

Mpu lyo rhuba bashinganyanya emalanga ga Mungu, rhube bo erhi bugashaane bwaage burhuma mpu lyo rhunahasha okuhaabwa obuziine bw'ensiku n'amango rhulangaalira.

### Baroma 5:15

Chikwoone okushobooza Mungu àshobooza kwoone buzira kuhuuna ngulo kuli kukulu, n'obukulu bwa kwo burhankagererwa oku bubu Adamu ajijire. Kwo binali, oku bantu banji bafiire erhi bubu bw'oyo muntu muguma burhuma; chikwoone obugashaane

bwa Mungu bwo bunene kulusha n'okushobooza ashoboozagya buzira kuhuuna ngulo, kwo kukulu kulusha. Ashoboozize bantu banji erhi muntu muguma yeene orhuma, Yezu Kristu.

### I Petro 5:5b

Mungu ànalahire ab'obuchii-bone, chikwoone ànagashaanire àbachiirhohya.

### II Bakorinto 8:9

Bulya muyiishi okugashaana kwa Nnahamwiirhu Yezu Kristu: ye wali mugale, achiijira mukenyi erhi mwe murhuma, lyo amúgaza n'obwo bukenyi bwaage.

**Mateyo 3:2**

**Akaaderha erhi: "Gokooli, bu-  
lya Obwaami bw'enyanya emwa  
Mungu buli hoofi!"**

**Bijiro 3:19**

**Aa, gokoolagi, muyeerekere  
Mungu, lyo azaaza ebyaaha bi-  
inyu.**

**Bijiro 17:30**

**Mungu àkola alesire galya ma-  
ngo abantu baali bahwinja, chi-  
kwoone buno àhamagiire abantu  
booshi, ba ngasi hantu mpu ba-  
gokoole.**

**Ezekieli 18:31**

**Mukweebe kuli na niinyu ama-**

**bi giinyu gooshi, ebi mwajijire;  
mujire omurhima muhyaahya n'e-  
ngereerezo mpyaahya; bichi bya-  
rhuma mwáfa, maashi eyi nyu-  
mpa y'Israeli?**

**II Bakorinto 7:10**

**Bulya oburhe Mungu àkoleesa  
bunahindule omurhima, n'okwo  
kurhume omuntu achira, n'aho o-  
muntu arhankachiinyunjuza. Chi-  
kwoone oburhe bw'abantu b'en'i-  
gulu lufu buleerha.**

**Luka 13:3**

**Nanga, kwo mmúbwiizire, chi-  
kwoone akaba murhagokwiiri,  
kwo mwáfa akaabo mweeshi.**

**Ezekieli 18:21**

Chikwoone erhi omuntu mubi akahinduka okurhenga omu byaaha byaage byooshi ajijire, n'okulanga amarhegeko gaani gooshi, n'okujira ebikwaniine n'ebishinganiine, okunali álama, arhaafe.

**Kufuluulirwa 3:20**

Yumvagya, nyimanzire oku lumvi na ndi nagoholera kwo, owánkayumva izu lyaani abul'inayigula, nája omu mwaage, nálya rhweeshi naye, naye álya rhwe naye.

**Marko 2:5**

Erhi Yezu abona obwemeere bw'abo bantu, abwiira oyo wali

ohozire ebirumbu erhi: "Mwaana waani, ebyaaha byaawe byamaababalirwa."

**Isaya 55:7**

Omuntu mubi aleke enjira yaage. N'omuntu orhali mushinganyanya aleke engereerezo zaage; Agaluke emwa Nnahamwiirhu, naye ámúbabalira; N'emwa Mungu wiirhu, naye ámùbabalira looshi looshi.

**Bijiro 5:31**

Mungu amùlengereza ekulyo kwaage n'okumùjira Mukulu na Muchiza, okuha olubaga lw'Abisraeli amango g'okugokoola n'okubabalirwa ebyaaha byaabo.

**Befeso 5:11**

Murhashangiiraga akantu koo-shi kooshi n'abantu bàjira eby'o-bushabusha by'omwizimya. Mu-hire ebyo bijiro omu bulangale lumenge erhi kwo.

**Bakolosayi 3:2**

Mukaakoyakoyera ebiba era nyanya, chi arhali ebiba omu igulu.

**Tito 2:11-12**

Bulya Mungu agashaaniire o-kuchiza abantu booshi. Obwo bu-gashaane bwo burhuyigiriza mpu rhuleke okulama kubi, rhuleke n'amarala g'igulu lyo rhulama o-

bulamu bw'engereerezo nyinja muli er'igulu, bunabe bushingani-ine na bwa kurhaalyalyanya Mungu.

**I Yohana 2:15-16**

Murhasiime ebibi by'en'igulu, niisi erhi akantu kaalyo kooshi kooshi. Erhi hankajira owasiima ebibi by'en'igulu, oyo muntu erhi arhasiima Laarha chiru n'ehitya. Ngasi biba omu igulu: enyifinjo mbi z'omubiiri, n'okuchiifinja o-kuba n'akantu obwiine, n'obuchi-ibone buleerhwa n'ebirugu by'e-n'igulu, ebyo byooshi birharhe-nga kuli Laarha, chikwoone bi-rhenga omu igulu.

Ezekieli 36:26

Námúha n'omurhima muhyaa-hya, naani náhira engereerezo mpyaahya omu kaagarhi kiinyu, nárhenza n'omurhima gw'ibuye omu mibiri yiinyu, mbahe n'omurhima gw'omubiri.

Yohana 3:3

Yezu amùshuza erhi: “Kwo binali, nkubwiizire nti nta muntu wankabona Obwaami bwa Mungu nk'arhabusirwi bwa kabiri.”

I Yohana 2:29

Mumanyire oku Kristu àba mushinganyanya; cho chirhumire, munagwaasirwe mumanye oku ngasi muntu yeeshi ojira ebi-

shinganiine àba mwaana wa Mungu.

I Petro 1:23

Bulya mukola mubusirwe bwa kabiri. Arbali bala balaarha bàfa bo bamúbusire, chikwoone mubusirwe n'erya mburho erhafa. Mubiirage ntyo erhi gulya mwanzu gwa Mungu g'obuziine gunali gw'ensiku n'amango gwo gurhumire.

II Bakorinto 5:17

Kurhenga amango omuntu anahumana bo na Kristu ntya, anabe chiremwa chihyaahya ebyamiira binahirigirhe, ebihyaahya bihaje.

# ABANTU BAFIIRE OKU GW'EBYAAHA BAKOLA BAZIINE MULI KRISTU

29

**Bakolosayi 3:1**

Mwafuuzirwe haguma na Kristu. Mulongerezagye ebiba enyanya oku nkuba, era munda Kristu atamiire ekulyo kwa Mungu.

**I Petro 2:24**

Kristu yeene aheesire ebyaaha biirhu omu mubiri gwaage oku musalaba, lyo rhuba mifu oku gyeerekiire ebyaaha, lyo rhunalama obulamu bushinganiine. E-bibande byaage byo byahumire mwafuma.

**Baroma 6:2, 11**

Rhuli nka bantu bafiire oku gwo gyeerekiire ebyaaha, gurhigi rhwankachilama mwo omu

byaaha? Niinyu kwo n'okwo, mukaachiilola nka bantu bafiire oku gwo gyeerekiire ebyaaha na nka bantu b'alamiire Mungu omu bulamu bwiinyu, mujire ntyo muli kulya kuhumana haguma na Yezu Kristu.

**Befeso 2:1, 6**

Miira, mwaali mufiire omu biyeerekiire Muuka gwa Mungu erhi mabi giinyu garhuma n'erhi byaaha biinyu birhuma. Muli kulya kuhumana kwiirhu haguma na Yezu Kristu, Mungu arhufuuzire rhweeshi naye mpu lyo arhuyimika rhurhambule rhweeshi naye omu igulu ly'emwa Mungu.

**Yohana 17:3**

Obuziine bw'ensiku n'amango kuli bo kuli kukumanya, w'oyo weene we Mungu w'okuli n'okumanya Yezu Kristu warhumaga.

**Yohana 5:24**

“Kwo binali, mmúbwiizire nti owayumva emyanzi yaani, n'okuyemeera owantumaga, àgweerhe obuziine bw'ensiku n'amango. Arhaachiheekwe lubanja, chikwoone amaaahenga omu lufu amaaja omu buziine.”

**Yohana 3:36**

Oyemiire omugala, àgweerhe obuziine bw'ensiku n'amango; n'orhayumva Omugala arhakaba na buziine, chikwoone Mungu á-

hana oyo muntu ensiku zooshi obuhane burhenzire omu bukunizi bwaage.

**Yohana 3:14-15**

Nka kulya Musa alengezagya enjoka y'omulinga oku murhi omu mpinga, ntyo kwo na naani Mwene-Muntu ngwaasirwe nne-ngezibwe, Iyo ngasi muntu onyemiire aba n'obuziine bw'ensiku n'amango.

**Baroma 6:23**

Bulya ojira ebyaaha, lufu àkamarha; chikwoone okushoboola Mungu àhaana buzira kuhuuna ngulo, buba buziine bw'ensiku n'amango omu lushangi haguma na Nnahamwiirhu Yezu Kristu.



# K'OKOLA OMANYIRIIRE ERHI WACHUNGUSIRAGE?

31

## Bagalatiya 4:6

Erhi Mungu akolaga ayeereka-na oku munali bagala bwinja, arhuma Muuka w'Omugala omu mirhima yiirhu, oyo Muuka kwo àlaka mpu: "Laarha!"

## Yohana 14:21

Oseezize amarhegeko gaani n'okuyumva oku gadesire, oyo ye onsiimire. Laarha àsiima onsiimire; naani námùsiima n'okumùbo-nekera.

## I Yohana 4:13

Yumvagi gurhi rhumanya mwo oku rhuli muli Mungu n'oku naye àli muli rhwe: aruhiire Muuka waage.

## Baroma 8:16

Muuka gwa Mungu yeene ànabwiire emirhima yiirhu okunali, aderhe oku rhuli baana ba Mungu.

## I Yohana 3:18-19

Baana baani, kurhakwaniini obuzigire bwiirhu bube bw'ekanwa yoone n'okuderha emyanzi minunu-minunu, bugwaasirwe bube buzigire bw'okunali bulya buchiiyeerekiine omu bijiro. Yumvagi gurhi rhwámanya mwo oku okuli kwo rhushizire. Yumvagi gurhi emirhima yiirhu yáhasha okuchiiyumva mwo erhwaalihire emalanga ga Mungu.

## KRISTU ÀBA OMU MIRHIMA YIIRHU ÀNARHUHE OBUSIIME

**Yohana 15:11**

Mmúbwiizire ebyo nti lyo obusiime bwaani bumúba mwo, nti lyo n'obusiime bwiinyu buba bw'okunali.

**Yohana 17:13**

Chikwoone nkolaga emwaawe, ndesire ntyo amango nchiri omu igulu nti lyo boone baba n'obusiime bwaani muli bo, busiime bw'okunali.

**Bagalatiya 2:19b-20**

Nayiirhiirwe oku musalaba rhweeshi na Kristu, ntyo kwo arhachirigi nie ndamire chi Kristu ye olamire muli nie. Obulamu

bw'omuntu, obuula ngweerhage buno, mbulamire omu kuyemeera Mwene Mungu wansiimaga, ahaana n'obuziine bwaage erhi nie ntuma.

**Nnanga 16:11**

Wányeereka enjira y'obuziine; emalanga g'amasu gaawe eba obusiime bunene; Ebwa kuboko kwaawe kulyo eba eby'okukusii-miisa ensiku n'amngo.

**Baroma 14:17**

Bulya Obwaami bwa Mungu burhali kulya n'okunywa, Obwaami bwa Mungu buli bushinganyanya, n'Omurhuula n'obusiime Muuka gwa Mungu àhaana.

# RHUGWAASIRWE OKUYUMVA OKU NNAHAMWIIRHU ÀDESIRE

33

**Baroma 6:16**

Mumanyire bwinja oku erhi mwankachiihira oku mukolo gw'omuntu mpu mukaayumva oku àdesire erhi mukola muli baja b'olya nnahano muli mwayumva oku àdesire: erhi kwankaba chaha cha kuyiirha niisi erhi kuyumva kuleerha obuziine bushinganiine emalanga ga Mungu.

**I Samweli 12:15**

Chikwoone erhi ankaba murhayumviirhi oku izu lya Nnahamwiirhu lidesire, mubul'iyanga a-

marhegeko gaage, aa okuboko kwa Nnahamwiirhu kwába enyanya liinyu nk'oku kwanali enyanya lya bashakuluuza wiinyu.

**Enkengeezo z'Amarhegeko  
11:26-28a**

Yumvagi, mpebire emalanga giinyu ene omugisho n'obuheheerere; mugisho erhi mwankayumva ebi Nnahamwiirhu Mungu wiinyu àdesire, ebi mmúbwiizire ene: n'obuheheerere, nka murhayumviirhi ebi Nnahamwiirhu Mungu wiinyu àdesire.

## RHUGWAASIRWE OKUDERHERA KRISTU OBUDIMA

**Luka 9:26**

Erhi ankaba hàli omuntu oli nshonyi erhi nie ntuma n'erhi myanzi yaani erhuma, amango nie Mwene-Muntu náyiisha omu bulangashane bwaani n'omu bwa Laarha Mungu, na bamalahika bimaana, ago mango nágwaarrhwa n'enshonyi erhi oyo muntu ye 'rhuma.

**Mateyo 10:32-33**

Ngasi muntu wáderhera emalanga g'abantu oku àli waani, naani náderhera emalanga ga Laarha oba enyanya emwaage oku oyo muntu àli waani. Chikwoone

owámpakana emalanga g'abantu mpu arhanyiishi, naani náderhera emalanga ga Laarha oba enyanya emwaage oku ntamùyiishi.

**Baroma 10:9-10**

Erhi wankaderha omu kanwa kaawe, emalanga g'abantu booshi oku Yezu àli Nnahamwiirhu, n'okuyemeera omu murhima gwaawe oku Mungu amùfuuzire, wáchizibwa. Bulya omuntu àyemeerera omu murhima gwaage, abupijirwa mushinganyanya emalanga ga Mungu; omuntu àderha n'akanwa kaage oku ntyo kwo binali naye Mungu amùchize.

# **SHETANI YE MUSHOMBANYI WIIRHU MUKULU**

**35**

**I Petro 5:8**

Muyoorhe n'omurhima gulaali-  
ire, muchiilange! Bulya omusho-  
mbanyi wiinyu Lyangombe, àli a-  
zunguluka nka ntale eri yalundu-  
ma, àja alonza oyu ashanshan-  
yula.

**Mateyo 4:1, 10, 11**

Enyuma ly'aho, Muuka gwa  
Mungu aheeka Yezu omu mpi-  
nga mpu lyo Lyangombe aj'imù-  
rhangulira mwo. . . Ago mango  
Yezu amùbwiira erhi: "Genda  
Shetani! Bulya Amandiko gàdesi-  
re mpu: "Ogashaanize Nnaha-  
mwiinyu Mungu waawe, onakaa-  
mùkolera yeene." Enyuma ly'aho

Lyangombe amùleka. Ago ma-  
ngo bamalahika bayiisha, baja ho  
Yezu, barhondeerha okumùko-  
lera.

**Bijiro 26:18**

Nkurhumire nti obazibuule a-  
masu, obarhenze omu nwizimya,  
obaleerhe omu bulangale, oba-  
rhenze omu buhashe bwa Shetani  
babe ba Mungu, omu kuyemeera  
lyo bababalirwa ebyaaha byaabo  
n'okuhaabwa aha bábeera omu  
bantu ba Mungu.

**Befeso 6:11**

Murhoole amatumu muhiirwe  
na Mungu gooshi, lyo murhaanga  
mwo amenge ga Lyangombe.

**Yakobo 4:7-8a**

Ahoo, gombagi kuli Mungu, hagaliki Lyangombe naye á mú-yaakira kuli. Yegeereri Mungu naye á múyegeerera.

**I Yohana 3:8**

Okaajira ebyaaha erhi oyo àba wa Lyangombe, bulya Lyangombe ajijire ebyaaha kurhenga oku murhondeero. Mwene Mungu arhayiishiraga okurhali kushereeza emikolo ya Lyangombe.

**Baroma 8:35, 37**

Nndi wankahasha okurhukuula oku buzigire bwa Kristu? Ka molumwa go gankahasha okwo niisi

erhi kuliibwa n'amagala, erhi kushimbululwa, erhi ishali, erhi bukenyi, erhi kantu ka kurhuyiirha, erhi lufu? Chikwoone muli ebyo byooshi, kuhima ruhima erhi olya warhusiimaga ye 'rhumu; n'okuhima kwiirhu kulushire agandi mahimane gooshi.

**Bebraniya 2:14**

Bulya abaana, nk'okwo àbadesire, bàli ba mubiri n'omuko, Yezu yeene abiire akaabo, abul'ija omu bwoorhere bwaabo bw'omuntu. Ajijire ntyo mpu lyo omu kufa kwaage yeene, ashereeza Lyangombe, ye 'jira obuhashe bw'olufu.

# OBUZIGIRE CHO CHIMANYISO CH'OMWIIGIRIZIBWA W'OKUNALI

37

**Yohana 13:35**

Nka musiiimiine, abantu booshi b'anamanya oku muli bigirizibwa baani.

**Bagalatiya 5:22-23a**

Chikwoone ebi Muuka gwa Mungu àleheka byo byeebi: buzigire, busiime, murhuula, bushi-ibirizi, olukogo, omurhima mwi-nja, obwikubagirwa, obutuudu, n'okuchiihasha.

**Yohana 21:16**

Amùbwiira obwa kabiri erhi: "Simo, mwene Yohana, k'onsii-ma?" Ashub'ishuza erhi: "Neechi, Nnahamwiirhu, omanyire oku

nkusiima." Yezu amùbwiira erhi: "Okereereze ebibuzi byaani."

**I Bakorinto 13:1**

Nanaderha enderho z'abantu n'ez'abamalahika, chikwoone nka ntagweerhi buzigire erhi ebi nde-sire biri bya busha binali nka ngo-ma eri yarhimbwa erhi nka mu-dende guli gwalaka.

**I Yohana 4:20**

Erhi hankajira owaderha erhi: "Nsiima Mungu", abul'inasho-mba mwene waabo, erhi oyo ali munyweesi. Bulya arhankasiima Mungu arhabona nk'arhasiimiri mwene waabo mukristu àbona.

**Baroma 4:25**

Nnahamwiirhu Yezu ahaana-gwa mpu afe erhi byaaha biirhu birhuma, anafuulwa mpu lyo arhujira bashinganyanya emalanga ga Mungu.

**Bijiro 10:39-41**

Rhuli ba kuderha ebi ajijire byooshi omu chihugo ch'Abayahudi n'omu chishagala ch'e Yeruselemi. Bamùyiirhiisa omu kumùbamba oku musalaba. Chikwoone oku lw'ensiku isharhu, Mungu amùfuula; amùyeerekana, arhali oku lubaga lwooshi, chikwoone kuli rhwe, rhwe Mungu achiishogaga burhanzi okuderha ogwaage. Rhwalya rhwananywa

haguma naye erhi Mungu amùfuula.

**Yohana 20:26-28**

Erhi kugera mugobe muguma abigirizibwa baage baali kandi omu nyumpa na Toma aali haguma nabo. Yezu ayiisha erhi n'enyumvi zooshi ziri mpamike; abayimanga ekaagarhi, ababwiira erhi: "Omurhuula gube muli mwe!" Enyuma ly'aho, abwiira Toma erhi: "Hira omunwe gwawe aha, lola enfune zaani; leerha okuboko kwaawe okuhire omu maaha gaani; rhiimukagwa, onayemeere!" Toma amùshuza erhi: "Nnahamwiirhu na Mungu wani!"



# OKUFUUKA, BWO BULANGAALIRE BW'OKUKUZIBWA

39

## Mateyo 16:21

Kurhenga ago mango Yezu a-rhondeera okubwiira abigirizibwa baage n'obwalagale erhi: "Kukwaniine nje e Yerusalemi, ndibukire yo bweneene, abagula n'abakulu b'abajinji n'abalimu b'amarhegeko, bo b'anjira ntyo. N'ayirhwa, n'oku lw'ensiku isharhu, n'afuuka."

## Baroma 6:3-5

Ka murhamanyiri oku rhweeshi, rhwe rhwabatiziibwe omu kulungana kuli Yezu Kristu, rhwabatiziibwe omu lufu lwaage? Aligi omu kubatizibwa mwo

rhwabishirwe rhweeshi naye, omu kufa rhweeshi naye obwo, lyo nka kulya Kristu afuukaga oku buhashe bw'Ishe, bunali bwa bulangashane, niirhu kwo n'okwo rhulame omu bulamu buhyaahya. Bulya erhi ankaba rhwalungiine kuli ye omu lufu lushushiine n'olwaage, na kandi rhwanalungana kuli ye omu bufuuke bushushiine n'obwaage.

## Marko 16:9

Erhi Yezu aba amaafuuka, sezi lwa Mungu, arhang'ibonekera Mariya w'e Magadala, y'olya akagaga kwo bazimu babi nda.

## 40 OKUBA MWIMAANA WA NNAHAMWIIRHU

### II Timoteyo 2:21

Erhi ankaba hali ochiishukwiire kuli aga mabi gooshi ndesire, akoleesibwa oku mikolo yaago yaago, bulya ali wa Nnhamwaabo lwooshi lwooshi, amukwaniine, anachiirheganyize okukuleesibwa oku ngasi mukolo mwinja.

### I Petro 1:15

Chikwoone mube bimaana omu bijiro biinyu byooshi, nka kula Mungu wamuhamagalaga aba mwimaana.

### Bebraniya 13:12

Cho charhumire Yezu naye afiira enyuma ly'echishagala mpu lyo ashukula olubaga omu njira y'omuko gwaage yeene.

### II Bakorinto 7:1

Yaaga biira baani, ebyo bira-gaane byooshi niirhu rhubilaganyiibwe, cho chirhumirage rhu-chiishukule kuli ngasi byooshi bizona omubiri n'omurhima rhu-nachiiseeze okuba bantu ba Mungu lwooshi okulama omu kumu-yooboha.

### I Petro 1:2

Mwachiishozirwe omu kushimbuulira oburheganye Mungu Laarha arhangig'ijira, munali bantu baage erhi Muuka gwaage orhuma, muli bantu baage mpu lyo muyumva ebi Yezu Kristu a-desire n'okushukulwa n'omuko gwaage.

## OKUBA MWIMAANA WA NNAHAMWIIRHU 41

**Mateyo 3:11**

Niono ndi nàmúbatiza n'amii-shi okuyeerekana oku mugokwi-ire; chikwoone owayiisha nyuma lyaani, ámúbatiza na Muuka gwa Mungu haguma n'omuliro. Àli wa buhashe kundusha: chiru nta-kwaaniini okuhogola ebiraato byaage.

**I Yohana 1:9**

Chikwoone erhi rhwankafulu-luulira Mungu ebyaaha biirhu, rhwanahasha okumwiikubagira, bulya bushinganyanya àkola mwo. Árhubabalira ebyaaha n'okurhushukula kwo amabi gooshi.

**Isaya 35:8**

Eyo yába enjira mpunduule, i-barabara lyáderhwa njira nyima-ana. Nta muntu ozizire chiru n'omuguma wáyigera mwo, yába yabo boone; abantu báyigerera mwo, chiru n'abahwinja bárhakahabuka.

**Luka 1:74-75**

Oku árhuchungula oku buhashe bw'abashombanyi biirhu, n'okurhuyeemeerera rhumùkolere buzira bwooba, lyo rhuba bimaa-na na ba bushinganyanya emalanga gaage ensiku zooshi z'obulamu bwiirhu.

## ABANTU BAALI BARHAMBWIRWE NA MUUKA GWA MUNGU

**Bijiro 1:8a**

Chikwoone mwáhaabwa obuhashe amango Muuka gwa Mungu ámùyandagalira kwo.

**Luka 11:13**

Obonage obubi mujira, muyishi okuha abaana biinyu ebinja. Erhi mujiraga ntyo mw'oyo, Sho wiinyu w'enyanya yeehe ye haabe, abantu bamùhuuna Muuka gwaage kuha á nabaha ye!

**Bijiro 4:31**

Erhi bayuusa bashenga, aha baali bashimaaniine hagera mwo omusisi. Booshi barhulwa kwo na Muuka gwa Mungu, banarhonde-

era okuyigiriza omwanzi gwa Mungu n'oburhwaali.

**Baroma 8:9**

Chikwoone mweeche, murhalama nk'oku eby'omubiri bidesire; chikwoone mulama nk'oku ebya Muuka gwa Mungu bidesire, buhya oyo Muuka ába muli mwe. Orhagweerhi Muuka gwa Kristu erhi arhali wa Kristu.

**Ezekieli 36:27**

Náhira omuuka gwaani muli mwe nnamúhashiise okushimba ebi ndesire, mulange n'amarhegeko gaani n'okujira oku gánadesire.

## ECHIRAGAANE CHINJA OKU BAKRISTU 43

**Nnanga 37:3**

Olangaaliire Nnahamwiirhu n'okujira aminja; obeere omu chihugo, n'irhondo orhalyaalyanyanya.

**I Petro 4:12-13**

Biira baani, murhasoomeragwa erhi amarhangulo mazibu mazibu mwárhangulwa garhuma, mbonage oku bikola nka kuno kandi kantu kamaamúyiishira. Mube ba kushagaluka bweneene hano obulangashane bwaage bufuluulwa.

**Isaya 66:2**

Nnahamwiirhu aderha erhi: "Bulya okuboko kwaani kwajijire

ebi bintu byooshi, n'ebi bintu byooshi bikola bihali. Chikwoone náloleereza oyu muntu: oli muke-nyi, ow'omurhima gushangusire, n'okujuguma erhi mwanzi gwaani gurhuma."

**Kufuluulirwa 21:4**

Ahoorhola ngasi mulenge gw'omu masu gaabo. Harhaka-chiba lufu, harhakachiba chiru n'emishiibo, erhi nduulu, erhi malumwa. Ebya miira byáhirigirha.

**Nnanga 34:18**

Nnahamwiirhu àba hoofi n'ab'emirhima eshangusire, n'okuchiza ab'emirhima y'okugokoola.

## 44 OKU ABARHANGULWA BÀLAGANYIIBWE

**Nnanga 34:19**

Amalibuko g'omushinganya-nya gàba manji; Chikwoone Nnahamwiirhu anamùfumye kuli go gooshi.

**Baroma 16:20**

Mungu, ohaana omurhuula, buno buno atuntumira Shetani omu idako ly'amagulu giinyu.

**Isaya 43:2**

Amango oheerhe wagera omu miishi nába haguma na naawe; n'enyiishi zirhaakumire amango oheerhe walambagira omu muliro, orhaahye, chiru echirimi ch'omuliro chirhaakuyooche.

**I Bakorinto 10:13**

Amarhangulo mwabwiine gooshi ganali ga na gala gàyiiishira abantu. Mungu arhahiga bibeеше, arhaanayemeere murhangulwe kurhaluka obuhashe bwiinyu bw'okuhagalika ago marhangulo; chikwoone amango amarhangulo gáyiiisha, ámuha emisi y'okugalembera n'oku mwankagarhenga mwo.

**Baroma 8:28**

Rhumanyira oku Mungu kuko- la akola omu ngasi kantu, àkole- ra minja g'abantu bamùsiima, bo balya ahamagalaga oku bulonze bwaage.

**Kufuluulirwa 3:21**

Ábahima, nábaha obuhashe bw'okutamala hali nie oku ntebe yaani, nka kulya naani nahimaga natamala hali Laarha oku ntebe yaage.

**Kufuluulirwa 21:7**

Ábahima, nábaha ebyo mbul'iba Mungu waabo nabo babe bagala baani.

**Kufuluulirwa 2:7**

Maashi ngasi muntu, akaba àgweerhe amarhwiiri, ayumve bwinja ebi Muuka gwa Mungu àbwiizire Emirhwe y'Abakristu! "Ábahima, nábaha obuhashe bw'okulya ilehe ly'omurhi gw'obuziine guli omu ishwa lya Mungu.

**Kufuluulirwa 3:12**

Owáhima, námùjira abe mutungo omu nyumpa ya Mungu waani, arhakanachirhenga mwo. Námùyandika kwo iziino lya Mungu waani n'iziino ly'echishagala cha Mungu waani, e Yerusalemi mpyaabya yáyandagala kurhenga hali Mungu waani. Námùyandika kwo n'iziino lyaani lihyaabya njira.

**Kufuluulirwa 3:5**

Ábahima kwo báyambala emishangi myeeru ntyo; ntaazaaze amaziino gaabo omu chitaabu ch'obuziine. Náderherha emalanga ga Laarha n'ega bamalahika baage oku bàli baani.

46 OKU MUNGU ÀDERHIIRE OKULEKANA  
OMU BUYUMPA

Luka 16:18

“Ngasi muntu wankahulusa mukaage, akashub’iyanka owundi, erhi àgonyire, n’owankaherula oyo mukazi nnakuhulusibwa, erhi àgonyire.”

Baroma 7:2-3

Oku mugani, omukazi ogweerhe iba, amarhegeko gàmùshweekiire kuli iba amango iba anachiba mwo omuuka; chikwoone erhi iba ankafa, oyo mukazi erhi àkola mushweekuule kwo irhegeko lyaali limùshweekiire kuli iba. Erhi ankaba wundi wa mulume n’obwo iba àziine, anaderhwa

mugonyi; chikwoone erhi iba ankafa, erhi oyo mukazi àkola mushweekuule oku by’amarhegeko, lero anahashaga okuba muka wundi mulume erhi arhanabiiri mugonyi.

I Bakorinto 7:10-11

Abakristu bàgweerhe abakazi, mbarhegesire ntyaala (arhali nie nkudesire chikwoone Nnahamwiirhu): omukazi ogweerhe iba arhagwaasirwi amùleke; n’amango amaamùleka, arhachiherulagwa, niisi erhi ashubiirire iba — n’omulume arhagwaasirwi okuhulusa mukaage.



**Yohana 14:3**

**N'enyuma ly'okuj'imùjirira aha mwája, nágaluka mmúheeke aha mba, lyo niinyu mubeera aha naani mba.**

**Mateyo 24:27**

**Nka kula omulazo gurhulukana oku nkuba kurhenga ebushoshokero bw'izuuba, kuhika ebuzikiro bwaalyo, ntyo kwo nie Mwenne-Muntu náyiisha.**

**Yakobo 5:8**

**Niinyu mushiibirire, muhire omurhima omu nda bulya Nnaha-mwiirhu àli hoofi h'okuyiisha.**

**Mateyo 24:30**

**Ago mango echimanyiiso chani nie Mwenne-Muntu chábone-**

**kana oku nkuba. Ago mango emilala yooshi y'en'igulu yábanda enduulu, bámbona nie Mwenne-Muntu nyishire oku bitu by'oku nkuba n'obuhashe bunji n'obulangashane.**

**Marko 8:38**

**Ahoo, erhi ankaba hàli omuntu oli nshonyi erhi nie ntuma, ashub'iba nshonyi erhi myanzi yani erhuma muli aba bantu b'en'igulu, aba bayangaga Mungu banakaajira okubi, ahoo, amango nie Mwenne-Muntu náyiisha omu bulangashane bwa Laarha hagama na bamalahika baage, náyiish'igwaarhwa n'enshonyi erhi oyo muntu ye 'rhuma.**

Luka 12:40

Niinyu muyoorhe muchiirhe-ganyize, bulya nie Mwene-Muntu náyiisha omu kasanzi murhagere-eriizi.

Kufuluulirwa 3:11

Náyiisha buno buno. Oseeze buzibu-buzibu ebyo ogweerhe, ly'omuntu arhag'ikunyaga ebi wahimiraga.

I Yohana 3:2

Biira baani, rhukolaga rhuba baana ba Mungu, chikwoone oku rhwánaayoorhe kurhachifuluulwa bwinja bwinja. N'obwo rhuman-yire oku hano Kristu áyiisha, rhwáhinduka rhumùshushe, bulya rhwámùbona nk'oku anali.

Luka 21:27

Ago mango nie Mwene-Muntu nábonekana nyiishire oku bitu n'obuhashe bunji n'obulangashane.

Bijiro 1:11

Bababwiira mpu: "Mwe bantu b'e Galilaya, bichi birhumire muli aho munali mwagalamira? Oyu Yezu walengezibagwa muli mwe, áchigaluka nk'oku mwànamùbonaga arherema."

Mateyo 16:27

Bulya nie Mwene-Muntu náyiisha omu bulangashane bwa Laarra rhweeshi na bamalahika baani, n'ago mango nákamasa ngasi muntu nk'oku anakozire.

## OMWANZI GWA MUNGU

**Mateyo 3:16**

Ngasi mwandiko gwaleerhagwa na Mungu, gunakwaniine oku nyigirizo n'okuhanuula abantu erhi byaaha byaabo birhuma, n'okubagendeesa, n'okubayigiriza omu bushinganyanya.

**Mateyo 22:29**

Yezu abashuza erhi: "Muhabusire bulya murhayumviirhi Amandiko bwinja, murhayumviirhi bwinja n'obuhashe bwa Mungu nabwo."

**II Petro 1:21**

Bulya nta buleebi chiru n'obuguma bwayiishire erhi kulonza kwa muntu kurhuma, chikwoone

bulya Muuka gwa Mungu akaag'ishokolera abantu cho chana-rhumirage abantu bakaaderha ahaali ha Mungu.

**Nnanga 119:105**

Omwanzi gwaawe liri itara lya magulu gaani, Na bulangale bwa njira yaani.

**Nnanga 119:11**

Omwanzi gwaawe nagufulisire omu murhima gwaani, Ntag'ikubiihira.

**Luka 21:33**

Amalunga n'igulu byagera, chikwoone emyanzi yaani erhaagere chiru n'ehitya.

Published in numerous languages by World Missionary Press as God supplies funds in answer to prayer. If you would like more copies for careful distribution, please write to us in English.

**World Missionary Press, Inc.**  
**P.O. Box 120**  
**New Paris, IN 46553-0120 USA**